

ratur affectum minùs gratum in aduersitatibus,  
& dicitur Fortitudo.

2 Fortitudo est virtus moralis, quâ homo  
timorem & fiduciam moderatur.

*Speciale Objectum  
Fortitudinis sunt  
belli pericula  
& rubor bellicus  
Spvs*

SCHOL. Græcè dicitur ἀνδρεία, q. d. virilitas, à no-  
mine ἀνὴρ vir, Germ. Mannheit / Tapferkeit. Notetur  
vocis ambiguitas. Interdum pro ea duntaxat virtute su-  
mitur, quæ versatur circa res bellicas, quomodo strenuus  
miles, vel dux belli dicitur fortis; interdum latiùs accipi-  
tur pro quavis moderatione & mediocritate *περὶ φόβου*  
*καὶ θάρρους*, circa metus & fiducias, ut habet Aristoteles lib. 3.  
Ethic. Nicomach. cap. 9. seu *περὶ θάρραλίας καὶ φόβου*, id  
est, circa ea, quæ fiduciam & metum adferunt, ut est ibid.  
c. 11. Metus igitur & fiducia sunt Fortitudinis objectum,  
item ea quæ metum & fiduciam excitant. Sunt quæ ad  
Fortitudinem etiam referunt omnes res tam prosperas,  
quàm aduersas, quòd in iis æquo animo ferendis viri  
fortis officium consistat; sed hi vocabulum nimis latè  
accipiunt. Nos ad æquabilitatem, de qua cap. 11. retuli-  
mus. Porro Aristoteles inter *φόβου* distinguit. Quædam  
vocat *ὑπὲρ ἀνθρώπων*, quia majora sunt, quàm ut ab ho-  
minibus sustineantur, ut sunt fulmina, tonitrua, terræ-  
motus, exundationes, omniaquæ portenta, quæ iram Dei  
denunciant; Quædam *κατὰ ἀνθρώπων*, quæ ab homine  
sustineri possunt. In illis, ait, virum fortem non posse mu-  
nere suo fungi, in his verò posse, ut sunt, paupertas, ca-  
ptivitas, orbitas, exilium, morbus, mors, & id genus alia.  
Recentiores tamen omnia formidabilia huc referunt,  
quatenus scilicet ad justam mediocritatem à recta ra-  
tione præscriptam reduci possunt. Vir fortis adit pericula,  
non quævis, sed honesta, quia ἢ καλὰ ἢ ἐνεργα. 2. in  
publicum utilia.

3 Fortitudinis duæ sunt species: Magnani-  
mitas, & Patientia.

SCHOL. Est enim viri fortis, non solùm res arduas  
præfenti